

# КОММУНИСТРИН СЕДВÄР

Партии XX хургин шийдвэрмү-  
диг дийлвртэгээр күүцэснэс иштэ,  
мана орн-нутг, шин цагт — ком-  
мунистическ обществ делгү тосх-  
лгына цагт орхднь кергтэ таалта  
болв. Тегэд чиги делгрлтин шин  
цагин агьу программ цуг мана  
орн-нутгар патриотическ джисэнэ  
шин янз — коммунистическ дөр-  
лдэ делгрүлдж, коммунистиче к  
күч кёлснэ бригаде бүрдэхүр авч  
ирв.

Шидр 383-ч совхозд партийн  
хург болснд, хөөчир, үкрчир, спе-  
циалистир орицад, КПСС-н ЦК-н  
ноябрьск Пленумин дигэр күүндвр  
кев. 1959—1965 джилмүдт  
СССР-н олт-амтна эдл-ахун дел-  
грлтин контролын то күүцэхд, мана  
чидл күрх гидж хурт темдггдв.

Хурт коммунистир Матвиенко  
Петр, Григоренко Семен, Харченко  
Степан болн нань чиги малчир  
өөдэн даалгьвр авч, коммунисти-  
ческ дөрлдэнд орицжахан герчлв.

Хөөч Венецкий Дмитрий босад,  
— үр Хрущевин докладин тезис-  
мүдэр күүндвр кегьад, мана бри-  
гад 1959 джил 100 хөөнэс 130  
хургь, хөн болгынас 5 килограмм  
дэбөөлн ноос авх болв. Коммуни-  
стическ күч-көлснэ бригадин нер  
зүүхин кергт бидн Григоренко  
Семена бригад коммунистическ  
дөрлдэнд дууджанагвдн, — гидж  
келв.

Үкрч Матвиенко Петрин бригад  
суврха гундждан гару угагьар,

таргын-цадхлнгыгар хадгьлдж,  
1960 джил теди тугьлсн цагт зуу-  
насны 100 тугьл авх даалгьвр  
авад, коммунистическ дөрлдэнд  
Харченко Степана бригад дуудв.

Эднэс үлгүр авад, хөөчир Ваку-  
ленко Иван, Игнатенко Владимир,  
Чеконданов Мандж, үкрч Хаминов  
Борис болн нань чиги малчир дөр-  
лдэ делгрүлдж, КПСС-н XXI хур-  
гиг күүцэврмүдэр тосх болв.

Хаминов Борис хэлэджэх бүрүс  
600 грамм немхин орчд өдр болгын  
900 грамм эн джил авсн болхла,  
хөөт джилдэн 1000 грамм немд-  
гэр таргьлуух даалгьвр авб.

Хурт босдж келсн улс, комму-  
нистическ дөрлдэнд орицжах  
бригадсиг авсн даалгьвран күүцэ-  
хднь кергтэ тоотарнь тетктхэ  
гидж совхозин дирекцэс некв.  
Эдн дулан катгуд, кошармуд, хаша,  
гермүд яслгыан цаглань кетхэ  
гидж келв.

Совхозин партийн организац,  
малчир, цуг коллектив үр  
Хрущевин докладин тезисмүдиг,  
селэнэ эдл-ахун цуг ангысин  
делгрлтин хаалгыгар улм цааран-  
днь йовхд дээч программн гидж  
таасад, нег дуугьар дөнъндж,  
эвранны эдл-ахуган үзмджтэ сов-  
хозмудин зерглэнд орулхин төлэ  
шунх болцхав.

**Б. ДОРДЖИНОВ,**

Яшалтинск района 383-ч сов-  
хозин партийн организацин  
сеглэтр.